


Gij Dinfwngz Guh Haeux-naengj Haj Saek Bouxcuengh

□ Godoq comz hoiz



▲ Haeuxnaengj haj saek homfwtfwt.



▲ Raemx mbawraeu ceh haeuxcid ndaej saekndaem.



▲ Mbawraeu oi q aeu ndaej ma lo.



▲ Vamai, go' gyaemq, go' gyaemqbwn ndaej ceh baenz saekhenj, saek-gyaemq, saekhoengz.

Gij dinfwngz guh haeuxnaengj haj saek Bouxcuengh, daj ndaw saedcej guhhong Bouxcuengh ciepcienz daeuj, baengh sam nyied sam Bouxcuengh, ciet cingmingz daengj gij sibgveng gvaqciendawbiengz Bouxcuengh neix guh bingzdaiz swncienz roengzdaeuj. Haeuxnaengj haj saek youq duenh hainduj dwg ngaiz gwn bingzciengz, doxgaiq cuengqcaeq, hwnghat baenz moix bi cin nduj dangguh doengh-yiengh gvaqciendawbiengz bae' mbanj soengq-laex, gij dinfwngz, gij cuengqcaeq hozdung de cienz daengz seizneix yaek miz 1000 bi nanz lo.

"Haj saek" ndawde miz hoengz, gyaemq, henj, ndaem, hau, sei q cungj gonq dwg aeu raemx doenghgo cimq le ndaej daeuj, saekhou dwg saek haeuxcid. Haeuxnaengj haj saek, yiengh ndei heiq hom feih baenzgwn caez.

Gij liuhgoek guh haeuxnaengj haj saek miz haeuxcid hom caeuq go' gyaemqbwn, go' gyaemq, vamai (roxnaeuz hinghenj, vuengzgae), mbawraeu daengj. Aeu haeuxcid hom faenbied ceh youq ndaw raemx go' gyaemq, raemx vamai (roxnaeuz raemx hinghenj, raemx vuengzgae), raemx mbawraeu, ceh baenz saek hoengz, gyaemq, henj, ndaem, cai q gya saek haeuxcid (saekhou), liuxle

naengj cug couh baenz le haeuxnaengj haj saek. Ginggvaq aeu liuhgoek, daih raemx, ceh raemx, naengj cawj, cang hwnj daengj mbaek guh le couh baenz.

Bi 2010, gij dinfwngz guh haeuxnaengj haj saek Bouxcuengh ndaej senj haeuj daihsam buek swcigih gaep feihvuzciz vwnzva yizcanj mingzloeg.

Haeuxnaengj haj saek dwg gijgwn cojcienz vunz Bouxcuengh aeudaeuj daihhek. Bingzciengz daengz ciet sam nyied sam, cingmingz, sei q nyied bet ciet vuengzvai(cwz), duengnux daengj ngoenzciendawbiengz, gyoengqvunz Bouxcuengh ranzranz cungj maij guh haeuxnaengj haj saek gwn; caiqlj aeu lai guh haeuxnaengj haj saek, ndaej dawz bae hawfwen gwn, roxnaeuz aeu bae bai q coi bai q baed. Cungj gijgwn ndeigwn neix caeuq hozdung baiqcoj bai q baed doxyungz guhdoi h, miz daegsaek minzcuz, dei hfueng lai dahraix. Vunzranz, caencik baengzyoux comz gwn ngaiznaengj haj saek, roxnyinh hom dangqmaz.

Seizneix, gij dinfwngz guh haeuxnaengj haj saek Bouxcuengh lij daihdaih swncienz ndaej ndei.



▲ Mbawraeu dub soi q cawj ndat daih aeu raemx daeuj ceh.



▲ Go' gyaemq ronq baenz donh dwk roengz rehang gya raemx cawj ok saekgyaemq.



▲ Vunzlai naengh henz daiz caemh gwn haeuxnaengj haj saek.



▲ Haeuxnaengj haj saek homfwt ndeiyawj.



▲ Hagseng maij gwn gij haeuxnaengj daegbied neix.



▲ Haeuxcid haj saek ceh ndei lo.



▲ Coq haeuxcid haj saek haeuj ndaw aencaengq.